



784

Broj:01/2-02-3824/18

Dana:28.05.2018.godine

SKUPŠTINA KANTONA SARAJEVO
n/r predsjedavajuće Skupštine

PREDMET: Odgovor na poslaničko pitanje zatupnika Neire Dizdarević, dostavlja se,-

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst broj 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 42. Radnoj sjednici Skupštine Kantona Sarajevo održanoj dana 07.05.2018. godine postavila zastupnica Neira Dizdarević.

S poštovanjem,

Prilozi:

- Odgovor Uprave policije;
- CD

Dostaviti:

- Naslovu;
- Stručna služba Vlade Kantona Sarajevo;
- a/a



**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SEKTOR UNIFORMISANE POLICIJE
SARAJEVO**

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
SARAJEVO

Priljena: 25-05-2018			
Org. jed.	Klasif. oznaka	Podat. broj	Broj priloga
01	02-1-3722		

18.05 RR

Broj: 02/2-02-1-3302/18
Datum: 24.05.2018. godine

25-05-2018

1226/18

**KANTON SARAJEVO
MINISTARSTVO UNUTRAŠNJIH POSLOVA
- Ministru**


01/2
25. maj '18.
✓
ly

**PREDMET: Podaci o broju migranata i drugo, Zastupničko pitanje,
Obavjest, dostavljamo.-**

V E Z A: Vaš akt broj: 01/2-02-1-3722/18 od 18.05.2018.godine

U vezi vašeg akta, broj i datum veze, kojim ste nam dostavili zastupničko pitanje zastupnice Neire Dizdarević, postavljeno na 42. Radnoj sjednici Skupštine Kantona Sarajevo, održanoj dana 07.05.2018.godine, obavještavamo Vas da su dana 18.05.2018. godine u vremenskom periodu od 06,00 do 08,00 sati, policijski službenici Uprave policije Ministarstva unutrašnjih poslova Kantona Sarajevo, pružili pomoć Službi za poslove sa strancima Ministarstva sigurnosti BiH, prilikom dislokacije ilegalnih migranata iz parka u ulici Avdage Šahinagića (preko puta „Vijećnice”), općina Stari Grad u formirani prihvatni centar u Salakovcu, općina Mostar.

Povodom gore navedenog, aktom broj: 02/2-31/18 od 10.05.2018.godine dostavili smo vam i nformaciju, koja je Zaključkom Vlade Kantona Sarajevo broj: 02-05-22434-1/18 od 18.05.2018.godine primljena k znanju.


Mevludin Halilović

INFORMACIJA

sačinjena na okolnosti prisustva migranata na području Kantona Sarajevo

Zakonom o unutrašnjim poslovima Kantona Sarajevo ("Službene novine Kantona Sarajevo" broj 1/16) u poglavlju II - unutrašnji poslovi iz nadležnosti Kantona, kretanje i boravak stranaca nisu definisani kao nadležnost Ministarstva unutrašnjih poslova Kantona Sarajevo, samim tim legalni i ilegalni tranziti i boravci migranata nisu eksplicitna nadležnost ovog organa.

Kretanje i boravak stranaca na području Kantona Sarajevo i Bosne i Hercegovine su propisani slijedećim zakonima: Zakon o službi za poslove sa strancima ("Službeni glasnik BiH", broj 54/05 i 36/08), Zakon o azilu ("Službeni glasnik BiH", broj 11/16), Zakon o državljanstvu Bosne i Hercegovine ("Službeni glasnik BiH", broj 22/16), i Zakon o strancima ("Službeni glasnik BiH", broj 88/15).

Ministarstvo sigurnosti Bosne i Hercegovine nadležno je za zaštitu međunarodnih granica, unutrašnjih graničnih prijelaza i regulisanje prometa na graničnim prijelazima BiH; sprečavanje i otkrivanje učinilaca krivičnih djela terorizma, trgovine drogom, krivotvorenja domaće i strane valute i trgovine ljudima i drugih krivičnih djela sa međunarodnim ili međuentitetskim elementom i međunarodnu saradnju u svim oblastima iz nadležnosti ministarstva. Ministarstvo sigurnosti nadležno je za zaštitu lica i objekata, prikupljanje i korištenje podataka od značaja za bezbjednost BiH, organizaciju usaglašavanja aktivnosti entitetskih ministarstava unutrašnjih poslova i Brčko Distrikta Bosne i Hercegovine u ostvarivanju bezbjedonosnih zadataka u interesu BiH, provođenje međunarodnih obaveza i saradnju u provođenju civilne zaštite, koordiniranje djelovanje entitetskih službi u BiH i usklađivanje njihovih planova za slučaj prirodne ili druge nesreće koje zahvataju teritoriju BiH i donošenje programa i planova zaštite i spašavanja. Ministarstvo sigurnosti provodi politiku useljavanja i azila BiH i uređenje procedure vezano za kretanje i boravak stranaca u Bosni i Hercegovini.

Nadležnosti Ministarstvo za ljudska prava i izbjeglice BiH utvrđene su članom 12. Zakona o ministarstvima i drugim tijelima uprave Bosne i Hercegovine, među kojima su i slijedeće nadležnosti: - praćenje i provedbu međunarodnih konvencija i drugih dokumenata iz oblasti ljudskih prava i temeljnih sloboda; staranje o pitanjima vezanim za azil i prava izbjeglica koji dolaze u BiH; kreiranje politike useljavanja i azila u BiH.

Menadžement Uprave policije Ministarstva unutrašnjih poslova je prepoznao problematiku povećanog broja migranata koji dolaze na područje Kantona Sarajevo te je preduzeo niz aktivnosti i mjera, tako je dana 25.04.2018. godine u prostorijama Ministarstva unutrašnjih poslova Kantona Sarajevo održan sastanak kojem su prisustvovali predstavnici Uprave policije Ministarstva unutrašnjih poslova Kantona Sarajevo, predstavnici Federalne uprave policije, predstavnici Službe za poslove sa strancima - terenski ured Sarajevo, predstavnici Granične policije BiH i predstavnici Državne agencije za istrage i zaštitu.

Na pomenutom sastanku je **predloženo da sve informacije sa kojima raspolaže Uprava policije Ministarstva unutrašnjih poslova, a koje se odnose na migrante koji su smješteni po privatnim kućama na području Kantona Sarajevo se prosljeđuju prema Službi za poslove sa strancima - terenski ured Sarajevo i prema drugim agencijama kojima će te informacije biti korisne. Također je dogovoreno da se formira zajednički tim sastavljen od svih svih agencija u cilju rješavanja ove problematike.** Na pomenutom sastanku predstavnik Granične policije BiH je naveo da ne postoji nikakva instrukcija kako postupati sa migrantima, jer niko od njih ne posjeduje identifikacione dokumente tako da se ne zna o kome se radi, a podaci se uzimaju samo na osnovu usmenog iskaza.

U rješavanje navedene problematike potrebno je pored policijskih agencija uključiti i Ministarstvo sigurnosti BiH, Ministarstvo civilnih poslova BiH i Ministarstvo za ljudska prava i izbjeglice BiH, zbog rješavanja smještaja, ishrane i zdravstvene zaštite.

Predstavnik Službe za poslove sa strancima predložio je da se u narednom periodu izvrši obuka rukovodilaca smjena i operativnih dežurnih u svrhu pojašnjavanja prijave, kartona i druge dokumentacije koju trebaju da imaju migranti koji se prijave u Terenski ured, a kako bi se olakšao bar dio problema sa kojim se susreću policijski službenici na terenu.

Na pomenutom sastanku komandir Policijske stanice Trnovo, na čijem području je smješten Azilantski centar Delijaši je izjavio da je on prisustvovao seminaru "Sigurnost i sigurnosni standardi prilikom masovnog priliva migranata" u organizaciji Vlade Švicarske - Državni Sekretarijat za migracije SEM, a na kojem je kao problem iznio smještaj emigranata, koji prelaze granice Bosne i Hercegovine legalno ili ilegalno. Isto tako je izjavio da je Policijska stanica Trnovo do sada pomoć tražila od Službe za poslove sa strancima - terenski ured Sarajevo, gdje su od istih dobijali odgovor da se takva lica smjeste u Azilantski centar u Delijašima, međutim pošto je u navedenom centru kapacitet smještaja ograničen dolazi do problema oko smještaja migranata. Isto tako je izjavio da lica koja su smještena u centar imaju ograničeno kretanje tj. u centar mogu izaći i ući u vremenu od 07,00 do 22,00 sata i ukoliko takva lica zakasne oni ostaju na ulici. Na sastanku je postavio pitanje da mu se odgovori gdje da se takva lica smjeste i ko je nadležan za smještaj istih.

Dana 09.05.2018.godine u zgradi UNHCR-a održan je sastanak kojem su prisustvovali predstavnici Vlade Kantona Sarajevo, predstavnici Ureda Gradonačelnika grada Sarajeva i predstavnici općina sa područja Kantona Sarajevo na kojem su razmatrani problemi i inicijativa Međunarodna organizacija za migracije - UN agencija za migracije (IOM) i UNHCR oko povećanog broja izbjeglica i migranata koji trenutno borave na teritoriji grada Sarajeva i borave u gradskim parkovima kojom prilikom je zatraženo da se što prije nađe alternativno rješenje kojim će se na adekvatan način zbrinuti izbjeglice i migranti ali i odgovoriti na izazove sa kojima se može susresti lokalna zajednica.

Policijski službenici Uprave policije Ministarstva unutrašnjih poslova Kantona Sarajevo koji tokom obavljanja redovnih poslova i zadataka dobiju informaciju o osobama za koje postoje pretpostavke da su stranci na teritoriji Kantona Sarajevo, osiguravaju neophodan inicijalni odgovor i u slučajevima ilegalnog boravka obavještavaju Službu za poslove sa strancima kao nadležnu agenciju kako bi ista preuzela dalje postupanje u konkretnom slučaju.

Depešom Sektora uniformisane policije od Policijskih uprava je zatraženo da dostave sva relevantna saznanja i informacije o prisustvu migranata i tretiranju istih po bilo kojem osnovu od strane policijskih službenika u proteklom vremenskom periodu. Prema prikupljenim informacijama utvrđeno je da na području svih Policijskih uprava registrovano prisustvo migranata koji dolaze iz Sirije, Libana, Palestine, Alžira i Maroka.

Na području Prve policijske uprave (općina Stari Grad) evidentirano je da jedan broj migranta borave u pansionu "Lion" ul. Bravadžiluk broj 30, a da im je smještaj obezbjedila "Fondacija Bosansko-hercegovačka inicijativa žena". Isto tako je utvrđeno da jedan broj migranata preko dana boravi na Bašćaršiji, a tokom noći spavaju po parkovima najčešće u ulici Obala Isa-bega Isakovića i ulici Avdage Šahinagića. Izvršenim provjerama utvrđeno da su migranti u Bosnu i Hercegovinu ušli ilegalno preko Crne Gore, da su neki zatražili azil o čemu im je izdata potvrda od strane Sektora za azil Ministarstva sigurnosti.

Također je utvrđeno da migrantima pomažu razne osobe među kojima su identifikovani Kozadra Tarik, nastanjen u ulici Bosanska broj 5 Sarajevo i Stefan Denis, državljanka Njemačke koji su izjavili da nisu pripadnici nikakve organizacije nego da oni samo pomažu migrantima u rješavanju njihovih problema.

Postupajući po aktu Druge policijske uprave (općina Centar) od 16.04.2018.godine utvrđeno je da se u prostorije Druge policijske uprave u periodu od 08.04.-16.04.2018.godine obratilo nekoliko lica iz Pakistana, navodeći da nemaju nikakva dokumenta kod sebe, ali da su u Bosnu i Hercegovinu ušli legalnim ili ilegalnim putem iz Srbije i Crne Gore, da niko od njih ne posjeduje identifikaciona dokumenta, da je jedan broj migranata zatražio azilantski status, navodeći da su oni samo u tranzitu kroz Bosnu i Hercegovinu i da putuju prema evropskim državama. Također je konstatovano da se u prostorijama UNITIC-a nalazi Visoki komesarijat Ujedinjenih nacija za izbjeglice UNHCR-a Sarajevo, a da se jedan broj migranata zadržava oko navedenog objekta, u kojem ostvaruju svoja određena prava u vezi sa postupkom zaštite prava i dobrobiti izbjeglica i rješavanje izbjegličkih pitanja.

Na području Treće Policijske uprave (općina Novo Sarajevo) od strane policijskih službenika kontrolisano je i evidentirano više migranata iz Palestine, Maroka, Irana, Sirije, Afganistana, a isti su izjavili da su u Bosnu i Hercegovinu ilegalno ušli iz Crne Gore i iz Srbije. Navedena lica kod sebe nisu posjedovala nikakve identifikacione dokumente, jer su iste odbacili prilikom prelaska granica. Navedenim licima su pomoć pružali volonteri i to Ahmetašević Nidžara iz volonterske organizacije "Pomozi.ba" i Tulić Sadžida iz Sarajeva. Predstavnicima UNDP-a se obratio jedan broj migranata tražeći pomoći, nakon čega su od strane uposlenika UNDP-a migranti (9 stranih državljana) organizovano prevezeni do prostorija Službe za poslove sa strancima Ministarstva sigurnosti BiH.

Policijski službenici Četvrte policijske uprave (općina Novi Grad) su u više navrata postupali po prijavama imama džamija na području Četvrte PU koji su se obraćali sa informacijama da su se u prostorije džamija javljala lica Afroazijskog porijekla tražeći pomoć i smještaj. Od strane policijskih službenika lica su upućivana i odvožena do prostorija Službe za poslove sa strancima Ministarstva sigurnosti BiH. Migranti kod sebe nisu posjedovali nikakva identifikaciona dokumenta, ali jedan dio njih je posjedovao Potvrde o iskazanoj namjeri podnošenja zahtjeva za azil izdate od Službe za poslove sa strancima.

Na području Pete policijske uprave (Ilidža) vršenjem terenskih provjera utvrđeno je da se u kući Vreoca broj 3, nalazi oko 30 porodica sa oko 80 migranata iz Sirije, Afganistana i Irana, a volonterka koja im pomaže Vuda Fučak, državljanka Hrvatske je izjavila da se migranti na navedenoj adresi zadržavaju oko sedam dana te da sa navedene adrese odlaze u nepoznatom pravcu. Isto tako je izjavila da njoj pomaže oko 20-tak volontera iz Hrvatske, Slovenija, Austrije, Holandije i Velike Britanije, da svakodnevno na adresu dolaze uposlenici Ministarstva sigurnosti BiH Služba za strance koji evidentiraju prisutne migrante.

Na području Šeste policijske uprave (Hadžići i Trnovo) egzistira i Azilantski centar Delijaši koji ima kapacitet 154 mjesta, ali zbog toga što je jedan dio centra uništen, trenutno ima oko 120 smještanih jedinica, a u centru azilanti imaju smještaj, obezbjeđenu hranu, pruža im se primarna zdravstvena zaštita, a radnici Azilantskog centra po iskazanoj potrebi osiguravaju prevoz do Trnova, Ilidže i Sarajeva.

Na području Sedme policijske uprave (Ilijaš i Vogošća) konstatovano je da se u ulici Nebočaj do broja 76, u tri kuće koje su u vlasništvu Alla Eldin Sayed Alija nalazi veći broj migranata iz Afganistana, Sirije, Alžira, Maroka, Palestine i Libije, da navedena lica posjeduju prijavu boravka u BiH i da većina njih ima podnešen zahtjev za azilantski status. Na usluzi migrantima su volonteri iz Njemačke i Švedske koji im pružaju neophodnu medicinsku pomoć, a vlasnik objekata je u svakodnevnom kontaktu sa Službom za strance Ministarstva sigurnosti BiH, te kada dođu novi migranti u njegove kuće on odmah obavještava Službu za strance.

U posljednjem periodu na osnovu operativnih saznanja, broj migranata na području Općine Stari Grad koji borave u parku u ulici Avdage Šahinagića rapidno se povećava, a prema procjenama trenutno se nalazi oko 500 migranata u određenim dijelovima dana, a radi se o migrantima iz Sirije,

Pakistana, Alžira, Egipta, Obale Slonovače, Nigerije, Libanona, Tunisa, Maroka, Bangladeša, Čečenije, Iraka, Irana, a među njima često dolazi do narušavanja javnog reda i mira tučom zbog podjele hrane, odjeće i dr. Policijski službenici u više navrata intervenisali na pomenutom lokalitetu u cilju sprečavanja narušavanja javnog reda i mira. Isto tako je u više navrata intervenisala Hitna pomoć jer lica koja se nalaze na navedenom lokalitetu boluju od raznih bolesti (PTSP, povrede nastale u ranijem periodu i dr.). Jedan broj lica su najvjerovatnije konzumenti narkotičkih sredstava te svakodnevno traže od volontera koji im pomažu da im “nabave” medikamente “tramal”, “lirika” i “trodon” prijeteći da će se povrijediti ili izvršiti samoubistvo ako to ne učine.

Higijenski uslovi na lokalitetu parka u ulici Avdage Šahinagića, općina Stari Grad su također poražavajući, s obzirom da ne postoje toaleti niti bilo kakve vodovodne instalacije, dok se otpatci i smeće gomilaju neposredno uz park, odnosno u blizini stambenih objekata u vlasništvu općine, odnosno privatnih lica, što također predstavlja opasnost od potencijalnog širenja određenih zaraznih bolesti. Uvidom u dostavljene informacije i depeše od strane Policijskih uprava može se konstatovati da su policijski službenici prilikom svakog ostvarenog kontakta sa migrantima o svemu odmah obavještavali Službu za poslove sa strancima - terenski ured Sarajevo - Ministarstva sigurnosti BiH, koji su poduzimali mjere i radnje iz svoje nadležnosti.

Dana 08.05.2018.godine Upravi policije Ministarstva unutrašnjih poslova Kantona Sarajevo dostavljen je zahtjev 207 (dvijestotinesedam) građana sa područja MZ Babića Bašća u kojem traže da se hitno izmjesti i riješe problemi izbjeglica u ulici Avdage Šahinagića u parku preko puta Vijećnice, i traže da policijski službenici djeluju preventivno u cilju izbjegavanja realno mogućeg diektnog i neprimjerenog kontakta građana sa izbjeglicama, te da stanu u zaštitu građana, koji se osjećaju ugroženo kako i sigurnosnom tako i u zdravstvenom pogledu.

Od strane Prve policijske uprave i Šeste Policijske uprave PS Trnovo su sačinjeni akcioni planovi provođenja mjera i aktivnosti iz naše nadležnosti, a povodom prisustva i boravka migranata na području Općine Stari Grad i na području općine Trnovo gdje je smješten Azilantski centar Delijaši.

Cijeneći gore navedeno Uprava policije Ministarstva unutrašnjih poslova Kantona Sarajevo predlaže slijedeće mjere i radnje Vladi Kantona Sarajevo:

1. Formiranje Koordinacionog tijela na nivou Vlade Kantona Sarajevo s ciljem uključivanja vladinih i nevladinih organizacija i institucija u ublažavanju posljedica nelegalnog prisustva migranata na području Kantona Sarajevo, održavanju i poboljšanju uslova života građana Kantona Sarajevo te smanjenju ili eliminaciji posljedica ilegalnih migracija po sigurnost građana Kantona Sarajevo. Koordinaciono tijelo se nameće kao neophodan instrument usklađivanja i usaglašavanja institucija koje nemaju primarnu nadležnost u reakciji na navedenu problematiku ali se suočavaju sa posljedicama iste. Također bi bilo neophodno da se odredi predstavnik Koordinacionog tijela Vlade Kantona Sarajevo koji bi učestvovao u radu eventualno uspostavljenog Koordinacionog tijela Vijeća ministara Bosne i Hercegovine.
2. Razmotriti raspoloživost smještanih kapaciteta te pokušati iznaći mogućnost privremenog smještaja migranata u objekte u kojima se mogu obezbjediti prihvatljivi uvjeti boravka, kako bi se uspostavio adekvatan institucionalni nadzor u vrijeme boravka istih na području Kantona Sarajevo od strane nadležnih institucija.
3. Razmotriti mogućnost koordiniranog odgovora u vezi zdravstvene zaštite i ishrane migranata koji borave na području Kantona Sarajevo.

Sarajevo, 10.05.2018.godine